

## **Kommunimut pilersaarummut tapiliusseq 4A7-2 Mitsimmavik, Nuuk**

Inaarutaasumik akuersissutiginnineq

Aalajangiiffigisassaq

J.nr.: 16.03.01.01-P16-9-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Mitsimmavimmi sanaartornissamut qinnuteqaat tunngavigalugu immikkoortoq pillugu kommunimut pilersaarummut tapiliussassatut siunnersuusiortoqarpoq.

Siunnersuut naapertorlugu immikkoortut marluusut 4A7 aamma 4C7 katinneqarput, taamaalillutik immikkoortut A-nut nuunneqarlutik; 4A7. Immikkoortup ilaa immikkuualuttunut arfinilinnut agguarneqassaaq, taakkulu tamarmik immikkut assigiinngitsunik sanaartorfigineqassapput, matumani ilaatigut meeqqerivik, illut uiguleriit, illut ataasiakkaat illullu quleriillit, kiisalu minnerunngitsumik sissaq sinerlugu aqqusineeraq immikkoortullu allat kikkut tamat ornissinnaasaat ilanngullugit.

Taamaalilluni inissiaqarfimmuut Qinnngutsinni Siorarsiorfimmilu illoqarfiup ineriartortinnissaanut periusissiamut ataqatigiilluinnartumik uummaarissumik soqutiginnartumillu najoqqutassaqarnissaq pilersinneqassaaq.

Pilersaarummut tapiliusseq maanna sapaatip-akunnerini 8-ni tusarniaassutigineqareerpoq, tusarniaassummullu akissutiniq tigusaqartoqanngilaq. Taamaasilluni pilersaarummut tapiliussami allannguuteqartitsinissamut tunngavissiisoqanngilaq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussatut siunnersuut 4A7-2 Mitsimmavik, Nuuk akuersissutigineqassasoq
- siunnersuut akuersisaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq
- tamatuma kingorna suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimut inaarutaasumik akuersissutigisassanngorlugu ingerlateqqinneqassasoq.

### **Suliassamik saqqummiussineq**

Mitsimmavimmi sanaartornissamut qinnuteqaat tunngavigalugu immikkoortoq pillugu kommunimut pilersaarummut tapiliussassatut siunnersuusiortoqarpoq.

Siunnersuut naapertorlugu immikkoortut marluusut 4A7 aamma 4C7 katinneqarput, taamaalillutik immikkoortut A-nut nuunneqarlutik; 4A7. Taamaalilluni inissialiornissaq kiisalu meeraaqqerivimmik meeqqeriviutigisumik pilersitsinissaq periarfissaalissaaq. Immikkoortup ilaa immikkuualuttunut arfinilinnut agguataarneqassaaq, taakkulu tamarmik immikkut assigiinngitsunik sanaartorfiussapput:

Immikkuualuttoq 1:

Immikkoortup ilaani avannarlermiippoq, tassanilu inissianut immikkuullarissunut sisamat tikillugit quleriilinnut pingasunik sanaartorfissaqartitsisoqassaaq. Immikkoortumittaaq uiguleriit marluk arfineq-pingasunik inissianik immikkoortullit sanaartorneqarsinnaapput. Quleriit marluk angullugit portutigisunik uiguleriinnik inissialiortoqarsinnaavoq.

#### Immikkuualuttoq 2:

Immikkuualuttup 1-ip nanginnerani kujataatungaaniippoq, tassanilu illut ataasiakkaat sanaartortinneqassapput. Inissiat ujalussiami sapakkatut inississorneqassapput, tamarmik toqqaannartumik assersorneqanngitsumillu kangerliumanertaata tungaanut isikkiveqassallutik.

#### Immikkuualuttoq 3:

Uiguleriit sanaartorneqarnissaannut sanaartorfissaqartitsisoqassaaq. Inissialiassat marluk tikillugit qulereeqarsinnaapput, illup qaliata atorluarneqarnissaa periarfissaassalluni.

#### Immikkuualuttoq 4:

Immikkoortup ilaani anginerpaaq, eqiteraluni illoqarfippalaarnerullunilu sanaartorfiusaaq, sanaartugassaassappullu illut immikkuullarissut taavalu quleriillit quleriit sisamat tungaanut portutigisut, ilaatigut quleriit ataaniittut atorluarneqarsinnaallutik.

Immikkuualuttup qeqqani illoqannginnersami tummeqqanik eqqaani silami timigissartarfitalimmik, pinnguartarfitalimmik assigisaannillu pilersitsisoqassaaq. Nunataatigut sangujoraartumik anginerusunik mikinerusunillu amerlasuunik majuartarfiliornikkut nunataata nalinginnaasumik uinganera atorluarneqassaaq.

#### Immikkuualuttoq 5:

Immikkuualuttoq meeqqerivimmut assigisaannulluunniit atugassanngortinneqassaaq.

#### Immikkuualuttoq 6:

Immikkuualuttoq sissaq sinerlugu aqqusineeraliorfissatut atugassanngortinneqassaaq.

#### *Aaqqiissutissatut siunnersuut – suliaticut naliliineq*

Inissiat assigiinngisitaartut minnerunngitsumillu silami sukisaarsarfissat pigalugit soqutigintumik inissiaqarfiliortoqarnissaa pilersaarummut siunnersuuteqarnikkut periarfissaalissasoq ingerlatsivimmit nalilerneqarpoq.

Sanaartornissamat qinnuteqaammut sissaq sinerlugu aqqusineeraliornissaaq ilaatinneqarpoq, pilersaarutissatullu siunnersuummi silamiiffissatut nalunaaqutsersimasut ajunngilluinnartumik ilassutaallutik. Taamatut suliniuteqarnikkut illoqarfimmik uummaarissumik piujuartitsisinnaasumillu pilersitsisoqarsinnaavoq.

Nukissiutinik atuinerup annikillisarneqarnissaa siunertaralugu inissiat eqqaanni uninngasarfiit il. il. assigalugit sanaartornissami atortussat piujuartitsisuusut ilanngunneqarnissaat ingerlatsivimmit kaammattuutigineqarpoq.

#### *Aningaasatigut sulisoqarnikkullu naliliinerit*

Soqanngilaq

*Inatsisitigut tunngavissaq allakkallu tunngaviusumik uppersaatitallit*

Pilersaarusiorneq aamma nunaminertanik atuineq pillugit Inatsisartut inatsisaat nr. 17 ulloq 17.

november 2010-meersoq aamma

Inatsisartut inatsisaat nr. 34 9 decembari 2015-imeersoq

Kommunimut pilersaarut internetsimiittoq [www.sermersooq2028.gl](http://www.sermersooq2028.gl)

*Ingerlariaqqinnissaq*

Kommunimut pilersaarummut tapiliussap inaarutaasumik akuersissutigineqareernerata kingorna, malittarisassallu taaneqartut malillugit pilersaarut malillugu sumiiffik ineriartortinneqassaaq.

### **Aningaasaqarnermut Allatseqarfimmit oqaaseqaatit**

Soqanngilaq

### **Innuttaasunik peqataatsineq/attaveqaqatigiinneq**

Kommunimut pilersaarummut tapiliussaq sap.ak. arfinilinni tamanut tusarniutigineqareerpoq, tamannalu Nuuk Ugeavisimi aamma kommunip nittartakkakut tusarniaaviani nalunaarutigineqarnikuuvoq.

Piffissami tusarniaaffiusumi tusarniaanermut akissuteqaatinik tigusisoqanngilaq.

Kommunimut pilersaarummut tapiliussaq inaarutaasooq tamanut saqqummiunneqassaaq

kommunimut pilersaarummut tapiliussami nittartakkami [www.sermersooq2028.gl](http://www.sermersooq2028.gl)

### **Ingerlatsivinnit allaniit oqaaseqaatigineqartut**

Soqanngilaq

### **Siusinnerusukut aalajangernerit**

*Sanarfinermut Avatangiisinullu Ataatsimiititap ulloq 23. septembari 2019-imi aalajangenera:*

Inassuteqaat akuerineqarpoq

*Aningaasaqarnermut Inuussutissarsiornermullu Ataatsimiititap aalajangenera 25. septembari 2019-imeersoq:*

Inassuteqaat akuerineqarpoq

*Kommunalbestyrelsip aalajangenera 8. oktobari 2019:*

Inassuteqaat akuerineqarpoq

### **Ilanngussat**

1. Kommunimut pilersaarummut tapiliussaq 4A7-2 Mitsimmavik, Nuuk